



TUHAQTAUNARIQTUKHAQ:

Cape Farewell Inuuhuktut Aullaapaktut Piksaliuqpangniq Takupkaivaktut Nunavut Maligaliurvianni

Iqaluit (June 5, 2009) – Maligaliurviat Nunavunmi takupkainiaqtut piksaliuqhimayunik uvani British Council Katimaviat-tutqikhaqhimayaat Cape Farewell Inuuhuktut Aullaapaktut Piksaliuqpangnianni 2008. Ukiakhaq kinguani Nunavut angayukhiini ilihactuq Devin Aviugana ilauqatauhimayuuq ahini nunaryuani ilihactuq aullaqhutik Ukiuqtaqtumut ilaa ilitturivalliablutik hila aallannguqpallianingannik Kanatami talvalu ahiniluttauq.

Ukuat Cape Farewell Inuuhuktut Aullaapaktut Piksaliuqpangnianni piqpagiyauubluni hilaryuani havaariyauyuq katipkaiblutik ihivriuhiyiryuat, hanauyaqtit, ilihaiyit ukuallu angayukhiit ilihactuq aullaqhutik tamainni nunaryuani talvalu atunin Kanatami aviktuqhimayut nunaannin aullaqhutik Ukiuqtaqtumi ilittuqhivaallirahuaqhutik.

Ukuat aullaqut aullaqhutik Reykjavik, Iceland-min, kaivittugu pingannanga Kalaallit Nunaat nutqaqhutik Iqalungni Qikiqtaalungmi. Ilihactuq qauyihaivaktut hilaryuatigut iliharningannik, taryup imangannik, nunaryuatigut ihivriuhiniannik uvvalu nunaryuani uumayunit ihivriuhivakhutiglu. Hanauyaanikkut havaarivagait hapkuat qunnialiurniq, piksaliurniq, hanauyaattiarniq, ulapqiniq uvvalu titirattiarniq. Aullaqattaqhutik, Kanatamiutaq piksaliuqti Robert vanWaarden titiraqattaqpakhugit aullaarningat talvalu takuminaqtunik piksaliuqpakhuni.

Qaffiuyulliaqak piksaliuqhimayait takukhauniaqtut uvani Maligaliurvianni Nunavut uvanngat June 8-min uvunga August 28-mun, inungnut takukhaunginnarialgit havangnaqtillugu 8:30-min ublaami 5:00-mun unnulihaami.

TUHAFFAARUMAGUVIT, TAKUINNARIALIK UNA:

Margret Brady Nankivell
Climate Change Communications Officer
British Council (Ottawa)
hivayautaa +1.613.301.5922
havagviani +1.613.364.6237
Margret.Brady@britishcouncil.org.

Una British Council Katimaviat uvani Kuin Nunaani hilaryuatigut ilihactuayungnaqtutigit pivikhaqtaqtuq uvvalu pitquhiminimut naunaiyautayungnaqturlu.

KINGUANIITTUT NAUNAIYAUT:

Devin Aviugana ilihactuq kiglingani 12 uvanu Tusarvik Iliharviani Nauyaani, Nunavut, Kanatami. Ulapqiinnaqtuq hunanigliqaak. Hadja Nauyaani muqpaqatauvaktuq ilaublunilu muqpakpaktuni ikayuqpakhunilu ukunani arnaillu angutillu muqpakpaktuni. Havangnaitillugu, havaqattaqpaktuq Santimi ulapqiatigivakhunigut ilihalihaqtut nutaqqat aliagibluniuk havaariyaa. Aliagiyaalluttauq nayuqpaliraangamiuk qataangutini ilannariyaminilu. Ihumaaluutigiyaa ukiuqtaqtup avatigiyaani ilaa nunagigamiuk hamna hila aallannguqpallianginnarumi, niryutikhat nungutpallianiaqtut talvalu Inuit aannuraarivagainnik atiginik, kamikhanik, pualukhaniglu amigaqpallianiaqquqtut. Hila ukiuqtaqtumi aallannguqpalliauyuuq – hikuirnariqpaliqhuni talvalu ubluq tamaat unnakpallialiqhuni. Devin haffuminnga hilaryuamik aallannguqpalliauinngittuq ilaa Inuinnaat pitquhiminiit tammaqpalliangillutik Ukiuqtaqtumi.

Robert vanWaarden piksaliuqtiuhimayuuq havakhuni Kanatami uvanilu nunaryuap akiani Netherlands-kunni piksaliuqattaqpakhuni hilaryuap aallannguqpallianingannik. Ukiungnik malrunnik kinguani havaarihimayaa aallannguqpallianingannik nunaryuap makpiraaliuqhimmaaqhuni. Havaangit takukhauvaktut angiyuni nunaryuani ahinilu nunaryuani makpiraangutainni. Piksaliuqhimayait takukhauvaktut uvani makpiraani Canadian Geographic, Epoca Magazine, UP! Magazine, COWI, UPEI, McGill Law Journal, uvanilu The AGE. Atuqtauhimavaktullu CNN-kunni, CBC, Radio Canada Naalautikkut, ukuat Quebec-kut kavamaita ahillu nunaryuani kiinauyaliuqhimangittut katimayiini.